



Pou Piblikasyon Imedya: 15/10/2020

GOUVÈNÈ ANDREW M. CUOMO

GOUVÈNÈ CUOMO: "MESYE PREZIDAN, KI KOTE NOU PRALE AK COVID LA APATI DE KOTE NOU YE A?"

Jodi a, Gouvènè Andrew M. Cuomo te pibliye yon lèt Asosyasyon Nasyonal Gouvènè (National Governors Association, NGA) pou mande Prezidan Trump yon rankont pou diskite sou kijan yon pwogram vaksinasyon t ap fèt epi ki wòl respektif gouvènman federal ak eta yo. Ou ka jwenn lèt la [isit la](#) epi tèks la anba a.

Chè Prezidan Trump,

Eta yo te devan liy lan nan batay kont COVID-19 la, ap travay san rete pou pwoteje epi pran swen rezidan nou yo pandan pandemi mondal sa. Gouvènè yo vle ede nan efò Administrasyon w lan pou asire yon kanpay nasyonal vaksinasyon mete anplas byen epi nan fason ki efikas. Men, gen lòt rekòmandasyon ak klarifikasyon ki nesesè sou wòl ak atant eta yo nan yon distribisyon vaksen COVID-19 ak plan mizanplas ki reyisi.

Poutèt sa, antanke Prezidan ak Vis Prezidan Asosyasyon Nasyonal Gouvènè yo, nou mande yon rankont avèk ou menm ak ekip ou an pou diskite sou kisa ki nesesè pou asire yon patenarya ki solid, ki enkli, men ki pa limite a sa: delimitasyon responsabilite federal ak eta; finansman nesesè ki asosye ak responsabilite sa yo; ak pwosesis jesyon chèn apwovizyonman ak alokasyon vaksen ki planifie.

Nou ap tann ak enpasyans yon konvèrsasyon ki pwodiktif ansam.

Sensèman,

Gouvènè Andrew M. Cuomo, Prezidan, Asosyasyon Nasyonal Gouvènè yo

Gouvènè Asa Hutchinson, Vis Prezidan, Asosyasyon Nasyonal Gouvènè yo

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)